

Na osnovu člana 34. Zakona o državnoj službi u Bosansko – podrinjskom kantonu Goražde („Službene novine Bosansko – podrinjskog kantona Goražde“, br. 3/18), a u vezi sa članom 74a. Zakona o državnoj službi u Federaciji Bosne i Hercegovine (»Službene novine Federacije BiH«, broj: 29/03, 23/04, 39/04, 54/04, 67/05, 8/06 i 4/12), na zahtjev Ureda premijera i Vlade Bosansko – podrinjskog kantona Goražde, Agencija za državnu službu Federacije BiH, objavljuje

JAVNI KONKURS
za popunu radnih mjesta državnih službenika
u Uredu premijera i Vlade Bosansko – podrinjskog kantona Goražde

6 / 1113

- 01. Stručni saradnik za normativne i upravno - pravne poslove – 1(jedan) izvršilac**
- 02. Stručni saradnik za EU integracije – 1(jedan) izvršilac**

01.Opis poslova: kordiniranje i praćenje aplikacija za projekte u procesu pridruživanja evropskim asocijacijama i predpristupnim fondovima; praćenje izvršenja mjera poduzetih od strane Premijera i Vlade; pripremanje i poduzimanje odgovarajućih mjera, radnji i postupaka radi izvršavanja poslova iz predhodne tačke, kao i preduzimanje mjera na sprečavanju nastanka štetnih posljedica, odnosno mjera i postupaka na otklanjanju štetnih posljedica u skladu sa nadležnostima Ureda; druge poslove i zadatke za koje je stručno osposobljen kao i poslove utvrđene zakonom i ovim Pravilnikom u zavisnosti od potrebe i ovlaštenja rukovodioca.

02.Opis poslova: stručnu obradu sistemskih rješenja od značaja za oblast EU integracija; izradu analitičkih, informativnih i drugih materijala u okviru propisane metodologije (tipska izvješća, redovne ili periodične informacije i sl.); praćenje i istraživanje promjena i pojava u oblasti EU integracija i izrada potrebne dokumentacije i drugih materijala o tim pojavama i promjenama; prikupljanje, sređivanje, evidentiranje, kontrolu, mjerenje, osmatranje i obradu podataka prema metodološkim i drugim uputstvima i uspostavljanje odgovarajućih dokumentacijskih materijala; usmeno prevođenje i prevođenje tekstova na strane jezike i sa stranih jezika,i; lektoriranje zakona, drugih propisa i općih akata, analiza, izvješća i drugih pisanih materijala na službene jezike u Federaciji, odnosno u Bosni i Hercegovini.

Uslovi: Pored opštih uslova predviđenih članom 35. Zakona o državnoj službi u Bosansko – podrinjskom kantonu Goražde, kandidati trebaju ispunjavati i slijedeće posebne uslove utvrđene Pravilnikom o unutrašnjoj organizaciji i to:

Za pozicije: 01.

- VSS - najmanje VII stepen stručne spreme, ili visoko obrazovanje prvog, drugog ili trećeg ciklusa Bolonjskog sistema studiranja vrednovanog sa najmanje 180 ECTS bodova pravne ili upravne struke
- 1(jedna) godina radnog iskustva u struci, nakon sticanja VSS
- poznavanje rada na računaru

Za pozicije: 02.

- VSS - najmanje VII stepen stručne spreme, ili visoko obrazovanje prvog, drugog ili trećeg ciklusa Bolonjskog sistema studiranja vrednovanog sa najmanje 180 ECTS bodova ekonomske, pravne ili upravne struke
- 1(jedna) godina radnog staža na poslovima svoje struke nakon završene VSS, odnosno visokog obrazovanja

- poznavanje rada na računaru
- aktivno znanje engleskog, francuskog ili njemačkog jezika u govoru i pismu

Prijavljivanje na konkurs:

01. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski kanton, ulica Kulovića 7 ili na web stranici Agencije www.adsfbih.gov.ba).

02. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme (original ili ovjerena kopija), na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski kanton, ulica Kulovića 7 ili na web stranici Agencije www.adsfbih.gov.ba).

03. Kandidati koji obavljaju poslove namještenika u organu državne službe i koji su stekli VII stepen stručne spreme ili visoko obrazovanje najmanje I ciklusa Bolonjskog sistema studiranja koji se vrednuje sa 180 ECTS bodova, dužni su dostaviti i: **a)** fakultetsku diplomu (nostrificirana diploma, ukoliko fakultet nije završen u Bosni Hercegovini ili je diploma stečena u nekoj od država nastaloj raspadom SFRJ nakon 06.04.1992.godine), **b)** dokaz da su zaposleni u organu državne službe kao namještenici i dokaz o pet godina radnog iskustva u organima državne službe, nakon položenog stručnog ispita za namještenika izdati nakon objave javnog konkursa **c)** dokaz o položenom stručnom ispitu za namještenika

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati koji ne polože ispit općeg znanja ili pismeni dio stručnog ispita gube pravo na učešće u daljoj konkursnoj proceduri o čemu se, prilikom saopćavanja rezultata na ispitu općeg znanja pisano informišu, a nakon pismenog dijela stručnog ispita usmeno se informišu o postignutim rezultatima. Kandidati imaju pravo uvida u rezultate koje su postigli na ispitu.

Kandidati koji su uspješno položili stručni ispit (pismeni i intervju) a ne dostave Agenciji validne dokaze (original ili ovjerene kopije) o ispunjavanju posebnih uslova javnog konkursa, u roku od pet dana, od dana održavanja stručnog ispita odnosno usmenog obavještenja o rezultatima koje su postigli, neće biti uvršteni na Listu uspješnih kandidata. Agencija za državnu službu Federacije BiH, objavljuje rezultate stručnog ispita, na propisanom obrascu, na oglasnoj ploči Agencije.

Izabrani kandidat, koji u roku od sedam dana od dana prijema obavještenja o izboru, ne dostavi Agenciji za državnu službu Federacije BiH, validne dokaze (original ili ovjerene kopije) o ispunjavanju opštih uslova iz javnog konkursa, biće brisan sa Liste uspješnih kandidata.

Javni konkurs se provodi u skladu sa Uredbom o uslovima, načinu i programu za polaganje ispita općeg znanja i stručnog ispita za kandidate za državnu službu u Federaciji Bosne i Hercegovine –prečišćeni tekst ("Službene novine Federacije BiH", br.10/18).

Prijavu, sa traženim dokumentima, treba dostaviti u roku od 15 dana od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH
Odjeljenje Agencije za Kanton Sarajevo i Bosansko-podrinjski Kanton Goražde
Ul.Kulovića br.7
71000 Sarajevo
sa naznakom:**

**“Javni konkurs za popunu radnih mjesta državnih službenika
u Uredu premijera i Vlade Bosansko – podrinjskog kantona Goražde“**

Nepotpune, neblagovremene i neuredne prijave odnosno prijave kandidata koji uz prijavni obrazac, ne dostavi traženu dokumentaciju kojom dokazuju ispunjavanje uslova iz tačke 2. i 3. ovog konkursa neće biti razmatrane.

V.D. DIREKTOR

Refik Begić, magistar uprave